

INUIT ATAQATIGIIT

INATSISARTUNI



UKA16/7
15. november 2016
Peter Olsen

2017-mut aningaasanut inatsisissatut siunnersuut.

(Aningaasaqarnermut Aatsitassanullu Naalakkersuisoq)

2017-mut aningaasanut inatsisissap aappassaaneerneqarnissaanut allannguutissanut siunner-suunnumut matumuuna Inuit Ataqatigiinnit imatut oqaaseqaateqassaagut.

Inuit Ataqatigiit illuatungiliuttutut, illuatungiuttuunerput atorluarlugu sunut tamanut saqqum-miunneqartunut akerliuniaannarluta itigartitsiniaannarlatalu illuatungiuttuusimanngilagut.

Inuit Ataqatigiit partiiupput piviusorsiortut, suleqataarusussuseqartut, akisussaaffimmillu tiguseqataanissaminut piareersimasut.

2017-mut aningaasanut inatsisissap suliarineqarnerani, isumaqatigiinniarnernilu oqaloqataal-luarsimavugut peqataalluarsimasimallatalu. Inuit Ataqatigiinnilu peqataanissarput, akisussaaffimmillu tiguseqataanissarput anersaaralugu piareersimaffigalugulu isumaqatigiinni-arnerit tamaasa ingerlattarsimavagut. Pissangalluta qilanaarlatalu inatsisissap naammassine-qarnisaa utaqqiinnalersimallugulusooq. Tassa kisianni.....

Naluneqanngitsutut piffissami kingullermi, naalakkersuisooqatigiit ajalasoorput, naalakkersui-sooqatigiillu nutaat pilersinneqeqammerlutik.

Taamaattumik una saqqummiunneqartoq, aningaasanut inatsisissap aappassaaneerneqarnis-saanut tunngatillugu allannguutissatut siunnersuut, naalakkersuisuusimasumit Randi V. Evaldsenimit atsiorneqarsimasoq, pimoorullugu tiguniangnilarput, aningaasanullu naalakkersui-sunngooqqammersup pingajussaaneerinnissaamut tunngatillugu saqqummiussassaa pissan-galutta qilanaarlatalu utaqqissavarput.

Taamaattoq allanguutissamut siunnersuummut tunngatillugu naatsumik oqaaseqalaassagutta, nuannaarutigisatsinnik maluguniarsimavarput, nunatta karsiata isertitassaat, naatsersuutigineqarsimagaluartuninngaaniit 55 mio.kr.-nik amerlanerusunik isertitaqarnerulertussanngorsimanera.

Aalisagaatigut nalitunerulersimapput, suliffeqarfissuaatigullu iluanaaruteqarnerulersimallutik, akileraarutitigullu isertitassat amerlanerulersimallutik.

55 mio.kr. aningaasarpassuupput, iluatinnaqaat, atorfissaqaqaat pisariaqartinneqqaallu. Atorneqassaqaarpullu. Qujanarujussuaq.

Maluginiakkatta aappaat tassaavoq Kiffartuussinissamut isumaqatigiissummut ukiumut 18, 1 mio.kr.-nik aningaasaliissuteqartoqaaqqinnissaanik siunnersuuteqartoqarnera.

Pitsanngorsaasoqarnialernera nuannaarutigaarput. Kisianni isumaqataanerluta isumaqataan-nginerlataluunniit massakkut oqaatigisinjaanngilarput.

18 mio.kr.-nik aningaasaleqqinnikkut suna tamarmi aaqqinneqarsinnaanersoq paaseqqaarusunnarpooq. Tamanut naammaginartumik aaqqiinissamut 18 mio.kr. naammappat? Imaluunniit naamik?

Paaserusunnarsinnaavoq isumaqatigiissut atorunnaarsinneqassappat, nutaamillu isumaqatigiis-siortoqassagaluarpat, nunatta karsianut qanoq akeqassanersoq. Siunissaq eqqarsaatigalugu sorleq pitsaanerua akikinnerussavalu?

Apeqquuit qulaani pineqartut isummersulinnginnitsinni akissutissarsineqaqqaartariaqarput.

Tamanna pillugu kissaatigissavarput apeqqutit qulaani pineqartut pingajussaaninnginnerani Naalakkersuisunit akineqarsimassasut.

Naggataatigut:

Isumaqatigiinniartarnitsinni soorunami aamma mianerisassatta ilagisimavaat, pingaartitatta naleqartitattalu tungaatigut pilliuteqarpallaannnginnissarput, pingaartitatta naleqartitattalu tungaatigut ersialaaruteqarnissarput.

2017-mut aningaasanut inatsisissamut taaseqataassagutta, akuerseqataassaguttalu kissaatigisimasatta ilaat makkuusut saqqummiukkusussinnaavakka:

- 5 mio. kr. (ukiumut) Meeqqat inuuusuttullu isumaginninnikkut nuna tamakkerlugu pilersaarusiornissaq timitalersuinissarlu – ukiut sisamat ingerlanerini katillugit 20 mio. kr.
- 2 mio. kr. (ukiumut) MIO paassisutissanik katersinissaannut angalanissamut iliuusissanullu tapiissutit – ukiut sisamat ingerlanerini katillugit 8 mio. kr.
- 3 mio. kr. (ukiumut) Nunaqarfinni inuussutissarsiornikkut nukissiuuteqarnikkullu siuarsaneq ukiut sisamat ingerlanerini katillugit 12 mio. kr.
- Selskabsskat-ip appartinneqarnissaa imaaliallaannaq akuersaarsinnaanngilarput.

Meeqqat atuarfiat

- Ukiuni tulliuttuni sisamani Meeqqat atuarfiini atuartitaanermut pitsangorsaanissamut aningaasaliinissaq, minnerpaamik 10 mio. kr.-nik kissaatigaarput, ilaatigut forældreråd pilersinniagaq ukiumut 2 mio. kr.-nik atuiffigineqannginnissaa siunnersuutigalutigu.
- Ukiuni tulliuttuni sisamani 20 mio. kr, Meeqqat atuarfiisa aserfallatsaolineqarnerinut aningaasaliinissaq, sanaartornermut aningasaateqarfimmit immikkut meeqqat atuarfiinut aningaasaliinikkut.

Kiffartuussinissamut isumaqatigiissummut kissaatit

1. Helistop, heliport
2. Mittarfeqarfiit sulisoqartitsinissamik pisussaaffilerlugit
3. Mittarfeeqqanik sanaartornissaq: Disko aamma Kujalleq
4. Peqqinnissaqarfiup eqqugaannginnissaa (pitsorluttut majuartarfegarnissaat)
5. Saaffiginniffissaq ataaseq
6. Isumaqatigiissut killilik
7. Isumannaallisaanermut piumasaqaatit (AirGreenland-ip ukiorpassuarni inerisarnikuusaattut qaffasitsigisumik) / klausuleqartitsineq

Piumasaqaatit allat – ukiuni aggersuni anguniagassat

Partiit akornanni isumaqatigiissummi siunnerfigineqartussatut Inuit Ataqatigiinnit kissaatigisavut tassaapput:

1. Partiit akornanni isumaqatigiissutaasumik Aaqqissuusseqqinneaq pillugu Inatsisartut ataatsimiititaliaagallartumik pilersitsissasut

2. Tasiilami ilinniarnertuunngorniarfimmik ilinniarfimmilluunniit ingerlariaqqiffissamik allamik pilersitsinissaq siunnerfigineqassasoq
3. Nuna tamakkerlugu siammassisumik imminut pilersornikkut siuarsaanissap aningaasaliiffigineqarnissaa
4. Timersornikkut kultoorkkullu siuarsaanissamut aningaasaliniinissaq
5. Qimussersuaaqgap ukiumut aaliangersimasunik kulturikkut aningaasaliuttakkatsinniit aningaasaliiffigineqarsinnaalernissaata aqqtissiuunneqarnissaa.
6. Sanaartornikkut attaveqaatitigullu piorsagassat:
 - a. Illoqarfiit nunaqarfiillu aamma savaateqarfiit akornanni aqquserniornernut siuarsataasumik aningaasaliissutit.
 - b. Nunaqarfinni namminerisamik illuliorsinnaaneq siuarsarlugu aningaasaliissutit pilersinnissaat.
 - c. Sinerissami arsaattarfinnik sanaartornissaq siunertaralugu aningaasaliissuteqarnissaq.
7. Inuit nunatsinni naligiinnginnerat pillugu misissuinermik aallartitsisoqassasoq.
8. Inatsisartoqarfiup siulittaasoqarfiata aningaasatigut aqunneqarnerata ammanerusumik ingerlanneqarnerulernissaat.

Taamatut oqaaseqaateqarluta oqaluuserisassaq pingajussaaneerneqannginnermini aningaasaqarnermut akileraartarnermullu ataatsimiisitaliamut ingerlateqqaarneqarnissaa innersuussutigaarput.

Qujanaq.
Peter Olsen